

REGIONAL NEWS BULLETIN

HEADLINES (MORNING)

1. Hortoki Jt YMA leh Bairabi South Branch YMA chuan Bairabi leh Hortoki inkar Tlawng lui dungah hnamdang ILP neilo a hnathawk thahnem tak in ramngaw leh nungchate nasa taka an tih chereu veng turin chak taka hmalak ho nise an ti.
2. Commerce and Industries Department hnuai Aizawl New Market Management staff te chuan Krismas bazar lo awm turah kum dang zawng aia an inbuatsaih nasat thu an sawi.
3. Lok Sabha chuan nimin khan Banking Laws (Amendment) Bill, 2024 a pass.
4. Sawrkar laipui chuan lawng sipai thuamchak na turin cheng vaibelchhe sing 2 leh sang 1 hman a remti.



HORTOKI

Nimina Hortoki Jt YMA leh Bairabi South Branch YMA hruaitute inhmukhawm chuan Bairabi leh Hortoki inkar Tlawng lui dungah hnamdang ILP neilo a hnathawk thahnem tak an awm tih sawiin, Tlawng Lui a nungchate nasa taka an suasam bakah Luikam ramngaw leh nungchate nasa takin an ti chereu tel an ti a, Tlawng lui a nungcha leh Tlawng kam ramngawte a chhiat zel loh nan chak taka hmalak ho zel nise an ti.

Tlawng kam thing leh mau chu Lui dung zawhin Lawngleng hmangin nitin a sang tel an la a, Mizoram pawn ah an tawlh chhuak thin a, mipui leh sorkarin hlawkna engmah an hmuh loh avangin mumal zawk a Thing leh mau te hi enkawl emaw, hralh dan awm se an duh tih an sawi.

Hortoki leh Bairabi khaw mipui thenkhat ten khawpui lam mi leh phai lam mi Dan phal lo va Sangha man tura an kalpui thin thu hriat ani chu pawl an ti a. Hemi chungchang ah hian alo ti thin te chu tun hnuah chuan ti tawh lo tur leh fimkhur tawh turin an hriattir ani.

YMA chuan hnam dang zalen taka chhawr a, Huan/lo ram enkawl tura chhawrtute chu hriat annih avangin an hlawhfa dah te tha taka enkawl in, thlah zalen lo turin an hriattir a. An thuchhuah ngai pawimawh lova ti lui an awm anih chuan a tul anga Action lak anih tur thu an sawi bawk.

Hortoki Jt YMA leh Bairabi South Branch YMA ten a huho va Lui dung an enfiah naah hian ILP neilo leh dan lova hnam dang mi Mau sat a inhlawh thahnem tak an hmu chhuak a, heng mite lakah hian hmalak zel dan tur ngaihtuah an tum thu an sawi.

Jt Operation ah hian Bairabi Police leh Forest department a thawktu mi pahnih ve ve an tel ani.

(Andrew Kolasib PTC)



HEALTHY LUNGLEI CAMPAIGN

Healthy Lunglei District Campaign kalpui mek hnuai Mizoram Thalai Kristian Pawl (MTKP) nen tang kawpa hriselna chungchang beihpui thlak tur (pilot project) chu nimin khan Lunglei DC Conference Hall-ah District Bawrsap Pi Navneet Mann chuan a hawng.

Bawrsap Pi Navneet Mann chuan Healthy Lunglei District Campaign hnuai hriselna dinhmun endikna leh hriselna atana nunphung tha inzirtirna kalpui mek a nih thu sawiin, District mipuite an lo hrisel zawk theih nana hma lakna chu kalpui chhonzawm zel tum a nih thu a sawi a. Natna inkai chhawn theih chi (communicable disease) laka inven fimkhur a pawimawh ang bawkin natna inkai chhawn theih loh chi (non-communicable disease) vei lo turin ei leh in leh nunphung

uluk a pawimawh tih sawiin, hriselna dinhmun endik leh natna hmuh chhuah hma chu inenkawlina tha nei tura tul hmasa a ni tih a sawi a. Hriselna atana ei leh in leh nunphung tha inzirtirna kawnga TKP-te nena hma lak ho a ni tur chu lawmawm a tih thu sawiin, rah tha a chhuah a, thalaite leh mipuite'n nunphung hrisel zawk an neih phah ngei a beisei thu a sawi.

Healthy Lunglei District Campaign hi kumin June ni 12 atanga kalpui tan a nih thu leh hmun hrang hrangah hriselna dinhmun endik leh inzirtirna kalpui tawh a nih thu a sawi a. November ni 21 thlengin mi 3,251 hriselna dinhmun endik a nih tawh thu te, thisensang hriat chhuah thar 162 leh zunthlum hmuh thar 75 an awm thu leh thisensang hriat tawh sa 199 leh zunthlum case hlui 106 endik nawn an nih thu a sawi bawk.

MTKP Secretary Rev. F. Zorinkhuma pawhin thu sawiin, MTKP-in thalaite hriselna atana hma a lak mek dan a tar lang a. Kumin June ni 19 khan ram pumah 'Hriselna atan Tlan' an huaihawt thu leh MTKP hnuai bial leh unit hrang hrangah hriselna lam hawia hma an lak chhoh mek thu sawiin, tuna hriselna lam hawia sawrkar leh kohhran thawh hona tur chu phurawm a tih thu a sawi a. Sawrkar thuneitute chungah leh hemi atana hma la tur bial leh unit hrang hrangte inpeknaah lawm thu a sawi nghal bawk.

Healthy Lunglei District Campaign hnuai District thuneitute leh MTKP tang kawpa hma lakna tur atan hian pastor bial TKP pathum - Bazarveng, Rahsiveng leh Theiriat bial leh an hnuai unit 14 te thlan an ni.

(DIPR)



CHRISTMAS PREPARATION

Commerce and Industries Department hnuai Aizawl New Market Management staff te chuan Krismas bazar lo awm turah kum dang zawng aia an inbuatsaih nasat thu an sawi.

Akashvani Correspondent zawhna chhangin Pu Vanlalsawma, Asst. Marketing Inspector chuan Krismas lo thleng tur atan thawktute nasa taka an inbuatsaih thu sawiin, kum dang zawng aia pawisa bo pawh tlem turin bazar beat post leh police te'n hma an lak thu a sawi bawk.

Pu Vanlalsawma chuan bazar hmun zat ve lai thiah leh sak that a nih avangin kalkawng te a zau tawk loa, smart city project hnuai Lushai engineer ten building an sak kalkawngte pawh sumdawngte ngenna avangin krismas bazar neih chung hian a leta tizau tura hmalak a nih thu a sawi a. Department in CCTV 8 a pek chu bazar chung hmun hrang hrangah vuah a ni dawn tih sawiin hei hian kum dang zawng aia pawisa bo leh rukruk lama an harsatna tawh thinte nasa taka a puiah an beisei thu a sawi.

Tun dinhmunah Aizawl New Market ah hian seat pangngai a thu 86 awmin seat thiahsak/phallohna a thu 90 bawr vel an awm a ni.

(Corr)



HANDLOOM EXPO

Mizoram Handloom and Handicrafts Development Corporation Limited (ZOHANDCO) leh sorkar laipuaia Ministry of Textiles Development Commissioner for Handloom te tangkawpin "State Handloom Expo" Kolasib-a an buatsaih chu Pu K. Sapdanga, Home Minister chuan a hawng.

Home Minister Pu K Sapdanga chuan, ZOHANCO leh Public Sector Undertaking dangte chu sum thawk chhuak a, Revenue nei teuh teuh tura beisei an nih loh thu a sawi a, PSU ten an tum ber chu Mizo mipuiten a kut themthiamna hmanga ei an zawn theihna tur kawng kawhhmuh a nih thu a sawi a. An hna hi a pawimawh hle a ni a ti.

Sorkar hmasa ten PSU te tangkai tawk lova hria in an lo tih tawp tawh chu Thalaite leh Kut themthiamna neiten an hman tangkai turin, inrenchem kumah puang chungin sorkar thar chuan a ti nung thar leh tih a sawi a. PSU kaihthawh leh hi Employment Generation nan a tih a ni lo a, Self Employment a lo pun theih nan mipuite ban phak tura zirlai chhawpchuaktu tur te an ni a ti.

Home Minister chuan, sorkar hna awm chu lehkhathiam ten an indaih em em a. Police Constable 200 lak tur a awm tih thawm avangin tun atanga lo in buatsaih thalai rual zingah MA/BA pass an tam em em a. Hei hian sorkar a hna hmuh a harsat zia a tilang tih sawiin, kum tin BA pass chhuak thar hi sang tel an awm laiin sorkar hna erawh a tlem em em tih sawiin, hna hi a zawn a zawn chi a ni lo a, a siam a siam chi a ni, a ti. Hlawhtlinna hi BA/MA nih ah a in nghat lo a, rinawmna leh taihmakna ah a in nghat, tih sawiin, hei hi ZOHANCO in a tum pakhat chu a ni tih a sawi.

Pu Lalhmunsiam, Managing Director, ZOHANCO chuan ZOHANCO hmalakna a tarlang a, tuna Handloom Expo an neihah hian Stall 60 hawn a nih thu sawiin, Mizoram hmun hrang hrang atangin Puan tahtuten an puan tah te an zuar chhuak a, Expo hi kar leh nilaini thleng an kalpui dawn a ni.

(CORR)



MIZORAM STATE POLICY COORDINATION COMT

Mizoram State Policy Coordination Committee chuan Bana Kaih Scheme hnuai Implementing Department atangin Nodal officer-te telin, Progress Partner thlanchhuahna kawnga sawt zawk a hmalak dan tur nimin khan Aizawlah an sawi ho a.

MPCC Vice Chairman Pu KC Lalmalsawmzauva, Adviser to Chief Minister (Implementation of Hand Holding Policy), chuan hun kaihruiin Mizoram tihhmasawna tura thiamna leh theihna nei, thawhpui tur, Progress Partner thlanchhuahna kawng a Nodal Officer-te hmalakna leh inpekna a lawmawm hle a ni a ti a. Ram tan a hmasawna thlen thei tur a theihna nei, mi hlawhtling ngei tur thlan chhuah hna chu phur tak leh uluk tak si a thawk zel turin a ngen baw a ni.

Thutkhawmnaah hian Progress Partner thlan chhuah kawnga Nodal Officer-te pui thei tur, Assessment Sheet duan thar chu a hman dan tur en ho a ni a. Progress Partners-te dilna mil a loan ruahman theih, Commerce & Industries, Animal husbandry & Veterinary Department, Agriculture & Farmers Welfare Department, Fisheries leh Horticulture Department hnuai a Scheme hrang hrang awmte zir ho a ni a. State Bank of India, Mizoram Rural Bank leh Mizoram Cooperative Apex Bank hnuai a loan scheme hrang hrang tarlanna hun hman niin Credit Guarantee Fund Trust for Micro & Small Enterprises leh Mizoram Credit Guarantee Scheme chungchang zir hona neih a ni baw.

(PR)



RD MINISTER

Rural Development changtu Minister Prof.Lalnilawman, Sawrkar laipui leh state sawrkar chuan thingtlang mite hmasawna turin scheme tha tak tak a kalpui thin tih sawiin kum 2011 Chhiarpui behchhana mi harsa zawkte In sak tanpuina PMAY(G) kalpui mek chu, in leh lo la nei lo, tanpuina mamawh tak tak te thlan chhuah an nih theih nan siam rem tum mek a ni a ti a, Border Area Development Programme (BADP) chu Vibrant Village Programme (VVP) a thlak a, thiamthil tihpun lam te pawh telh chhoh tum a ni a ti baw.

Nimin-a Khawbung RD Block in a din champhaphak kum 25-na, Silver Jubilee a tlin lawmna, BDO Multipurpose Hall-ah an lawmna ah he thu hi sawiin Prof. Lalnilawma chuan Kum 2000 atangin Rural Development kaihnawih hna hrang hrang a lo thawh tawh thin thu sawiin, Khawbung RD Block-in kum 25 a lo tlin takah chuan, scheme kalpui tawh te leh scheme kal mek te thlir chungin kan dinmun leh kan hmabak engtin nge kan kalpui ang tih kan inzawh thar fo a tul a ni, a ti.

Khawbung RD Block hi East Lungdar RD Block hnuai a hian kum 1995 June ni 20 khan Additional Block-ah hlankai a ni a. Kum 1999, November ni 26 khan Block puitlingah hlankai niin, waviin thleng hian Addl Block Development Officer (BDO) 2 leh BDO 16 an awm tawh a ni. Khawbung RD Block hnuai a hian khaw 25 an awm mek a, BDO hovin Staff 44 ten an enkawl mek a ni.

(Lalhlupaia Champhai PTC)



AIR ON SOCIAL MEDIA

Chanchin thar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



BANKING LAWS

Lok Sabha chuan nimin khan Banking Laws (Amendment) Bill, 2024 a pass. He bill hi dan hmanlai Reserve Bank of India Act,1934, the Banking Regulation Act,1949, the State Bank of India Act,1955, the Banking Companies (Acquisition and Transfer of Undertakings) Act,1970 leh Banking Companies (Acquisition and Transfer of Undertakings) Act,1980 te a siam tha dawn a. Bank account pakhatu nominee awm thei zat pawh ti pungin mi pali dah thei a ni tawh dawn a ni.

Union Finance Minister Nirmala Sitharaman-i chuan he dan thar hian banking sector-a inrelbalwna kawngah hmasawmna a thlen dawn a ni a ti.

(Newsonair)



NAVAL DEFENCE

Sawrkar laipui chuan lawng sipai thuamchak na turin cheng vaibelchhe sing 2 leh sang 1 hman a remti.

Rajnath Singh-a kaihhruai Defence Acquisition Council chuan naval defence atana ralthuam leina tur hi a pawm a. Heng zingah hian New Water Jet Fast Attack Crafts 31 leina tur pawh a tel a ni.

Defence Ministry sawidanin heng bunraw tharte hi Low Intensity Operations, Surveillance, Patrol leh Search and Rescue operation ah te tangkai taka hman tur a ni.

(Newsonair)



TWO WHEELER

India chuan China lehpelin khawvela lirthei ke pahnih nei hralh tamna ber ram a ni ta. Ziaka zawhna chhangin Union Heavy Industries Minister HD Kumaraswamy chuan Society of Indian Automobile Manufacturers te chhinchhiah danin kum 2023-ah khan China-ah two wheeler unit maktaduai 16.6 hralh anih laiin India ah chuan maktaduai 17 chuang hralh a ni thung a ti.

(Newsonair)



PARLIAMENT

Parliament in hnih rorel inkhawm chu ni nga chung rorel thei loa a awm hnuin nimin atang khan tha taka rorel inkhawm neih a ni.

Lok Sabha leh Rajya Sabha-ah te hian Question Hour leh Zero Hour chungin thil pawimawh tak tak sawiho a ni.

